

DELIBBERAZIONI DE SA GIUNTA COMUNALI

Nùmeru 153 de su 22.10.2024

SA GIUNTA COMUNALI

Postu innantis chi s'Assòtziu sòtziu culturali Athanatos, cun nota achiria a sa prìsia de s'Enti nùmeru 35495 a sa data de su 16 de Argiolas 2024 e integrata cun prìsia nùmeru 37189 de su 29 de argiolas 2024, at pediu sa cuncessioni de s'amparu de su Comunu de Sestu po sa partecipazioni a sa bideada "*Sulle orme del cammino di San Saturnino*" chi previdit unu tretu itineranti, chi pertocat parìcius comunus de Sardìnnia, chi at a tenni una firmada in sa crèsia de Santu Giroxi sa dii de su 26 de Mesi 'e Ladàmini 2024;

Bia sa deliberazioni de Giunta comunali nùmeru 131 de su 12 de Cabudanni 2024 chi stabilessit:

1. De cuncedi s'amparu a custa bideada;
2. De si lassai sa facultadi de si avalessi de sa collaborazioni de is assòtzius folcloristicus de su logu po s'apariciadura e una valorizazioni prus manna de custa manifestazioni a titulu de finanziamentu segundu s'art. 22 de s'Arregulamentu comunali po sa cuncessioni de finanziammentus, contributus e vantàgius econòmicus po atividadis sportivas, culturalis e de spetàculu, aprovau cun delibera de su Cunsillu Comunali nùmeru 10 de su 14 de Maju 2019 (a s'ghidura, in s'arregulamentu);

Bia sa nota arribbada a sa prìsia generali, nùmeru 48519 de su 17 de Mesi 'e Ladàmini 2024, chi s'Assòtziu Gruppo Folk "I Nuraghi", cun sedi in Sestu, Bia Calasanzio 4, at ofertu sa collaborazioni insoru po s'eventu in chistioni chi at a cunsisti in is atividadis chi s'ghint:

Sàbudu 26 de Mesi 'e Ladàmini 2024, de is oras 16:30:

- Arricidura de su bultu e de su corteu cun is arrapresentantis de is grupus folk in bistimenta de su connotu;
- Acumpangiamentu musicali a intru e a foras de sa crèsia de Santu Giroxi;
- Cumbidu costumau po is stràngius;
- Manìgiu de s'organizazioni logistica e de su coordinamentu cun is sugetus promovidoris de sa bideada;

chi at a cumportai unu contributu de su Comunu de Sestu de una spèndida a su prus de euro 1.500,00;

Biu s'articulu 22 de s'Arregulamentu chi stabilessit, in prus, chi:

- Su Comunu de Sestu, in cara de atividadis, bideadas, progetus, de àmbitu sportivu, culturali o de spetàculu, promòvius in deretura de s'Amministratzioni est a nai promòvius e/o cuncordaus de sogetus allenus chi siant in collaborazioni strinta cun punnas e programmas de s'Amministratzioni, podit detzidi de pigai sa parti de copromovidoris e/o cumpartècipi. In custu casu at a essi stipulau un'acòrdiu apòsitu cun is sogetus allenus chi at a serbiri po cuncordai is àreas de interventu chi s'arreferrint, is càrrigus e is òbligus a càrrigu de donniunu (comma 1)
- Su Comunu s'at a podi avalessi po sa faidura de is bideadas de assòtzius cun esperèntzia cumprovada e chi apant giai dimostrau capacidadi organizadoras e serrau de manera positiva manifestadas s'imbilis (comma 2)
- A is assòtzius s'at a podi intregai su coordinamentu e/o sa gestioni cumpria e faidura de is bideadas (comma 3);
- Is assòtzius ant a depi intregai o sutaponi a s'aprovadura de s'Amministratzioni su programa a sa minuda de sa manifestazioni e su pranu econòmicu finanziàriu (comma 4);
- Sa collaborazioni intra de is assòtzius depit essi fata chena chi siant persighias punnas de lucru e chena chi siant previdias a ddas favoressi, po atividadis organizativas e de coordinamentu, guadàngius de forma dereta o non dereta (comma 5);

- Is assòtzios ant a tenni su deretu a su rembursu de is spèndidas po sa fàidura de sa bideada, intru de sa làcana màssima de s'importu determinau de s'Amministratzioni a manera preventiva, cun presentada de sa rendicontatzioni cun is "pezze" giustificadoras vàlidas a manera fiscali chi ddas pertocant. Su rendicontu depit essi intregau in arrespetu de is boxis inditadas a sa minuda in su preventivu de spèndida, ammitendi is variatzionis de reduidu econòmicu, chi non agravint in is aspetus sustantzialis de sa manifestatzioni (comma 6).

Valutada a manera positiva s'oferta collaboradora propònna de s'Assòtziu Gruppo Folk "I Nuraghi" e considerau de si nd'avalessi cun sa punna de donai unu arresartu prus mannu a s'eventu intercomunali "Sulle orme del cammino di San Saturnino" e fintzas cun sa tarea de tenni unu coordinamentu prus profetosu po is aspetus logisticus e organizativus chi ddi pertocant;

Considerau puru de stabilessi, cun custu àutu, sa cuncessioni de una soventzioni, segundu s'articulu 22 de s'Arregulamentu chi eus giai arremonau, paris a euro 1.500,00 a favori de s'Assòtziu Gruppo Folk "I Nuraghi".

Bia sa deliberatzioni de Consilliu comunali n.42 de su 12.12.2023, chi tenit che a "ogetu" "Documento Unico di Programmazione (DUP) - periodo 2024/2026 (art.170, comma 1, del D.Lgs. 267/2000)";

Bia sa deliberatzioni de Consilliu comunali nùmeru 3 de su 31.01.2024 chi tenit a "ogetu" "Approvazione del bilancio di previsione finanziario 2024-2026 (art.11 D.Lgs.118/2011)";

Bia sa deliberatzioni de sa Giunta comunali n.21 de su 06.02.2024 chi tenit a "ogetu" "Approvazione del piano esecutivo di gestione 2024/2026 e assegnazione delle risorse ai Responsabili dei Settori (art.169 del D.Lgs. 267/2000)";

Bia sa deliberatzioni de sa Giunta comunali n.44 de su 14.03.2024 chi at permìtiu s'aprovadura de su "Piano Integrato di Attività e Organizzazione (PIAO) 2024-2026";

Biu su Testu ùnicu de is leis a pitzus de s'ordinamentu de is entis localis aprovau cun Decretu Legislativu 267 de su 2000;

Achisius, cunfroma a s'articulu 49 de su giai arremonau decretu legislativu nùmeru 267 de su 2000, i parris in òrdini a s'arreguladidadi tècnica e contàbbili, chi torraus a scriri in fundus; totu custu postu ainnantis e considerendi is votus de comunu acòrdiu.

DELIBBERAT

1. De acolli, po is arrexonis e cun is tareas espressadas in sa parti motiva, sa propònna collaboradora de s'Assòtziu Gruppo Folk "I Nuraghi", cun sedi in Sestu, Bia Calasanzio 4, de offerri in s'àmbitu de s'eventu "Sulle orme del cammino di San Saturnino", chi est amparau cun deliberatzioni pròpia nùmeru 131 de su 12 de Cabudanni 2024, chi previdit unu tretu chi si movit in totu is Comunas de Sardìnnia, e chi si frimmat in Sestu puru, in sa Crèsia de Santu Giroxi sa dii de su 26 de Ladàmini 2024;
2. De aprovai sa propònna collaboradora, cumentis est stètia aprontada de s'Assòtziu Gruppo Folk "I Nuraghi" cun nota lòmpera a sa prisia generali nùmeru 48519 de su 17 de làmpadas 2024, chi previdit is atividadis imbenientis:
 - De acolli su bultu e su corteu cun is arrepresentantis de is grupus folk bistius che a su connotu;
 - De acumpangiai cun mùsica aintru e a foras de sa Crèsia de Santu Giroxi;
 - De fai su cumbidu a is stràngius;
 - De manigiai s'organizatzioni "logística" e su coordinamentu cun is sogetus promovidoris de sa bideada;

3. De tenni in euro 1.500,00 sa spèndida po sa collaboratzioni marcada innoi a pitzus, a tìtulu de soventzionis in chistioni in s'artìculu 22 de s'Arregulamentu comunali po sa cuncessioni de soventzionis, contributus e bantàgius econòmicus po is atividadi sportivas, culturalis e de spetàculu, aprovau cun delibbera de su Cunsilliu Comunali nùmeru 10 de su 14 de maju 2019, chi si fait arriferimentu integrali;
4. De prenotai sa spèndida in sa manera chi sighit:
 - Euro 1.500,00 a favori de s'Assòtziu Gruppo Folk "I Nuraghi", cun sedi in Sestu, Bia Calasanzio 4, in su Capìtolu 4030 "Interventi nel campo della promozione e diffusione della cultura" incluiu in su "Titolo 1, Missione 5, Programma 2 del Bilancio pluriennale 2024/2026, anno 2024";
5. De stabilessi chi:
 - S'assòtziu at a tenni su deretu a su remborsu, intru sa trèmini màssimu de sa spèndida preventiva, de is spèndidas sustènnias po sa faidura de sa bideada, intregendi sa rendicontatzioni cun is paperis giustificadoris chi ddas pertocant fiscalmenti vàlidas;
 - Su rendicontu s'at a depi intregai in arrespetu de is boxis inditadas in su pranu finantzàriu, ammitendi is variatzionis de vàlori econòmicu piticu, chi non cundizionint is aspetus sustantzialis de sa manifestada e in su prètziu complessivu;
6. De decrarai, cun votazioni de comunu acòrdiu seberada, custa delibberatzioni esecutàbbili immoi etotu, cunfroma s'art. 134, de su Decretu Legislativo 267 de su 2000.